

Տեղեկացնում ենք, որ ՌԴ ԱԳՆ Մոսկվայի միջազգային հարաբերությունների պետական ինստիտուտը (ՄՄՀՊԻ /МГИМО/) /Առդիր 1/ և ՌԴ ԱԳՆ Դիվանագիտական ակադեմիան /Առդիր 2/ հայտարարում են 2023/2024 թթ. ուսումնական տարվա համար ընդունելություն:

2023/2024 թթ. ուսումնական տարվա համար ՄՄՀՊԻ-ի կողմից ՀՀ-ին հատկացված քվոտաների ընդհանուր քանակը 9-ն է՝ 5 բակալավրիատի, 3 մագիստրոսական և 1 ասպիրանտուրայի ծրագրերի դիմելու հնարավորությամբ:

ՌԴ ԱԳՆ Դիվանագիտական ակադեմիայի կողմից 2023/2024 ուսումնական տարվա համար ընդունելությունը նախատեսվում է միայն մագիստրատուրայի և ասպիրանտուրայի ծրագրերով: ՌԴ ԱԳՆ Դիվանագիտական ակադեմիան տրամադրում է սահմանափակ քանակությամբ տեղեր՝ կախված ընդունելության քննություններում դիմորդների արդյունքներից:

Հայտնում ենք, որ ՀՀ-ին հատկացված քվոտաներով նշված ԲՈՒՀ-ում ուսումն անվճար է, սակայն ուսումնառության ամբողջ ընթացքում կեցության հետ կապված ծախսերը, ինչպես նաև ճանապարհածախսը պետք է հոգան մասնակիցները: Հանրակացարաններում բնակությունը՝ տեղերի առկայության պարագայում, նույնպես վճարովի է:

Վերը նշված ԲՈՒՀ-երի ուսումնական ծրագրերին դիմելու համար ՀՀ ԱԳՆ փաստաթղթեր ներկայացնելու վերջնաժամկետն է 2023 թ. ապրիլի 27-ը: Անհրաժեշտ փաստաթղթերը պետք է փոխանցվեն secretariat@mfa.am էլ. հասցեին:

ՀՀ ԱԳՆ ներկայացվելիք անհրաժեշտ փաստաթղթերի ցանկ.

- դիմում ՀՀ ԱԳ նախարարի անունով,
- ՀՀ քաղաքացու անձնագրի պատճենը,
- ատեստատի պատճենը (բակալավրիատի դեպքում) /դիպլոմի պատճենը (մագիստրատուրայի և ասպիրանտուրայի դեպքում)՝ ներառյալ ներդիրները,
- արական սեռի դիմորդների պարագայում՝ կցագրման վկայականի կամ գինվորական գրքույկի պատճենները,
- ինքնակենսագրություն՝ շարադրված ազատ ոճով,
- 2 գունավոր լուսանկար 3X4 չափսի:

ՌԴ ԱԳՆ Մոսկվայի միջազգային հարաբերությունների պետական ինստիտուտն
(ՄՄՀՊԻ /МГИМО/) առաջարկում է կրթական ծրագրեր հետևյալ ուղղություններով՝

- | | |
|--|---|
| 1. Միջազգային հարաբերություններ | (բակալավրիատ/մագիստրատուրա) |
| 2. Տարածաշրջանագիտություն | (բակալավրիատ/մագիստրատուրա) |
| 3. Ժուռնալիստիկա | (բակալավրիատ/մագիստրատուրա) |
| 4. Գովազդ և հանրային կապեր | (բակալավրիատ/մագիստրատուրա) |
| 5. Ֆինանսներ և վարկ | (մագիստրատուրա) |
| 6. Պետական և համայնքային կառավարում | (մագիստրատուրա) |
| 7. Տնտեսագիտություն | (բակալավրիատ/մագիստրատուրա /ասպիրանտուրա) |
| 8. Իրավագիտություն | (բակալավրիատ/մագիստրատուրա /ասպիրանտուրա) |
| 9. Քաղաքագիտություն և տարածաշրջանագիտություն | (ասպիրանտուրա) |
| 10. Կրթություն և մանկավարժական գիտություններ | (ասպիրանտուրա) |
| 11. Մշակութաբանություն | (ասպիրանտուրա) |

Ընդունելության քնությունների վերաբերյալ տեղեկատվությունը անմիջապես փոխանցվելու է դիմողների կողմից ներկայացված էլ. հասցեներին:

Կրթական ծրագրերին ավելի մանրամասն կարելի է ծանոթանալ <https://abiturient.mgimo.ru/foreigners> հղմամբ:

Դիվանագիտական ակադեմիան առաջարկում է կրթական ծրագրեր հետևյալ ուղղություններով՝

Մագիստրատուրա /առկա եղանակով/

1. Տնտեսագիտություն /«Միջազգային տնտեսագիտություն և բիզնես» ծրագիր/ (քննական առարկաներ՝ ռուսերեն /գրավոր և բանավոր/, օտար լեզու /գրավոր և բանավոր/, մասնագիտական առարկա /գրավոր/)
2. Իրավագիտություն /«Միջազգային հանրային իրավունք» և «Միջազգային տնտեսական իրավունք» ծրագրեր/ (քննական առարկաներ՝ ռուսերեն /գրավոր և բանավոր/, օտար լեզու /գրավոր և բանավոր/, մասնագիտական առարկա /գրավոր/)

Մագիստրատուրա /հեռակա եղանակով/

3. Կառավարում /«Արտաքին քաղաքականության գործունեություն և ռիսկերի կառավարում» ծրագիր/ (քննական առարկաներ՝ ռուսերեն /գրավոր և բանավոր/, օտար լեզու /գրավոր և բանավոր/, մասնագիտական առարկա /գրավոր/)

Ընդունելության քննությունները կանցկացվեն հեռավար ձևաչափով ս. թ. հուլիսի 21-ից օգոստոսի 6-ը և նոյեմբերի 16-ից 21-ը

Ուսման տևողությունը՝ 2 տարի՝ առկա եղանակով և 2.5 տարի՝ առկա և հեռակա համադրված եղանակով:

Ասպիրանտուրա

1. Քաղաքագիտություն (քննական առարկաներ՝ փիլիսոփայություն /բանավոր/, օտար լեզու /գրավոր և բանավոր/, մասնագիտական առարկա /բանավոր/),
2. Տնտեսագիտություն (քննական առարկաներ՝ փիլիսոփայություն /բանավոր/, օտար լեզու /գրավոր և բանավոր/, մասնագիտական առարկա /բանավոր/),
3. Իրավագիտություն (քննական առարկաներ՝ փիլիսոփայություն /բանավոր/, օտար լեզու /գրավոր և բանավոր/, մասնագիտական առարկա /բանավոր/),
4. Պատմական գիտություններ (քննական առարկաներ՝ փիլիսոփայություն /բանավոր/, օտար լեզու /գրավոր և բանավոր/, մասնագիտական առարկա /բանավոր/)

Ընդունելության քննությունները կանցկացվեն հեռավար ձևաչափով ս. թ. սեպտեմբերի 6-ից 15-ը: Ուսման տևողությունը՝ 3 տարի: